

AGENDRE TRINITATIS 18 JULI 2021

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 208**

208. SAMATI BA KHÖ ZO'AYA

do = a. 4/4

MM = 96 - 104

1. Samati ba khö Zo'aya ha sambua boto.
Faulugö wahasambua khö Yesu Keriso.
Ba faoma fa'öhe tanga, fao famati saro.
Atulö, ohahau dödö wogamö sorugo.
2. Lö tebulö ha sambua danedane saro.
Lowalangi ba zorugo ba Yesu Keriso.
Ba famayagö idanö ba famati saro.
Da'ö wamaböbö niha wefao khö Keriso.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gage ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 262

262. DOZI ITA, TANA KHÖ KERISO

Lala : Ha Sambalö Zi No Amaedola (No. 95)

do = g 4/4
MM = 96 - 104

1. Dozi ita tana khö Keriso, ya ha sara dödöda.
Ta'oigö dödö wolau satulö, me no oroisa-Nia.
Salahida wa no mate Ia Itaögö huku fa'auri ita.
Oi so'ömö ita göi, wolo'ö fa lö faröi.
2. No afönu wa'omasi-Nia, zi te'ala ba horö.
Andrö da ta'omasi'ö Ia, moroi sibai ba dödö.
Da takaoni niha möi khö-Nia, fa dozi latara lahe-Nia.
Me Ya'ia wa'auri sindruhu nitöngöni.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **I Moze 32:13-21**

13. Ba ya'ugö, ba no öfabu'u, wanguma'ö: Ufaigi lala, fa lö hadia ia khöu, ba ato sibai ma'uwumö dania ube'e, fa'oya ngawua nene ba mbewe nasi, si tebai te'erai fa'oya!
14. Ba mörö ia ba da'ö. Ba i'oniagö ösa zi so khönia andrö, buala khö ga'ania Ezau: 200 nga'eu nambi si alawe,
15. ba 20 zi matua, ba 200 nga'eu biribiri si alawe ba 20 zi matua,
16. ba 30 nga'eu ondra, si bohöu mo'ono, awö nono, ba 40 ono'ono zawi, ba 10 rozi ono zawi si matua, si bohöu ebua ba 20 nga'eu kalide si alawe ba 10 rozi ono galide.
17. Ba ibe'e ba danga zawuyunia da'ö, sambasambawá, i'oniagö, ba ibe'e li ba zawuyunia, imane: Mi'owaöwaö ba mifo'ota'otalua ngawawá andrö!
18. Ba ifobawa lala ba zi so föna, imane: Na falukha khöu ga'agu Ezau ba na isofu khöu: Ha khö ndra'ugö ba heza möi'ö ba ha khö da'ö föna?
19. ba ömane: Buala zawuyumö Yakobo khö zokhö ya'o, Ezau; ba ya'ia, ba moroi furima sibai.
20. Ba si manö göi wanguma'önia khö wanete da'ö, ba khö wanete zi darua ba ba dánö bö'ö fefu, solohe ngawawá andrö, imane: Mimanö göi khö Gezau, na falukha ami khönia, ba mimane:
21. Sawuyumö Yakobo andrö, ba moroi furima sibai. Imane sa dödönia: Da'u'alösi dödönia buala andrö, sowaöwaö fönagu, ba awena dania falukha ndra'o khönia, ma atö ibologö dödönia khögu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö

gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

- Da tafondrondrongo daroma Li Lowalangi, tehalö moroi ba zura **Yohane 17:20-26**

20. Ba tenga ha khöra ni'andrögu, ba zamati khögu ba lira no göi,
21. ena'ö ha sambua dödöra, dozi ira, si mane ya'ugö, Ama, ba khögu, ba si mane ya'o ba khöu, ena'ö yáira göi, ba khöda so ira; ena'ö faduhu dödö niha guli danö, ya'ugö zamatenge ya'o.
22. Ba no ube'e khöra lakhömi andrö, nibe'eu khögu, ena'ö ha sambua dödöra, si mane tödöda andrö, si ha sambua.
23. Ya'o ba khöra ba ya'ugö ba khögu, ena'ö mo'ahonoa wa ha sambua dödöra, ena'ö aboto ba dödö niha guli danö, ya'ugö zamatenge ya'o, ba no ö'omasi'ö ira, si mane fa'omasiu ndra'o.
24. He Ama, omasido na awögu ba zi so ya'o nibe'eu khögu andrö, ena'ö anehe ira lakhömi, nibe'eu khögu, me no ö'omasi'ö ndra'o, föna wamazöchi danö'a.
25. He Ama satulö! lö'ö sa aboto ba dödö niha guli danö ndra'ugö, ba ba dödögu aboto ndra'ugö, ba na aboto ba dödö da'e, wa no ya'ugö zamatenge ya'o.
26. Ba no u'ombakha'ö khöra doimö, ba u'ombakha'ö na dania, ena'ö so ba dödöra wa'omasi andrö, fa'omasiu ndra'o, ba ena'ö so ba dödöra ndra'odo.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Sifao fangowuloi fasömbata tanda turut berduka cita ba keluarga ibu I. Suka Zai. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi. (Sinunö 50:23)

SA : Tafa'ema wasömbata khö Lowalangi, manunö ita moroi ba Mbuku Zinunö **Numero 264**

264. DOZI ITA FEFU OMUSO DÖDÖDA

Lala : He Lowalangima (No. 11)

do = g 4/4
MM = 104 – 112

1. Dozi ita fefu, omuso dödöda, tasunosu no Zo'aya.
Da ta'osara'ö fefu göi dödöda, wangalulu fönaNia.
Talulu, khöNia, fefu zi so khöda, awö wa'aurida.
2. Nilau dödö-Nia, Ifa'ema khöda, mbuala si'oroj Nama.
Fangefa'ö horö, awö wangatulö, fao wamohouni ya'ita.
Tabokaj dödöda, wangombakha horö, si möj ba'aba'a.
3. Ya'ita sowulo, ya hasara dödö, ya so khöda wa'omasi.
Ya so wa'awösa, ya aro wamati, ta'aröu'ö zi lö sökhi.
Ya dozi ta'andrö, "He Yesu, bohouni, bè khöma wa'auri."
4. Ya sökhi dödöda, fefu khö nawöda, ya faondra wangerangera.
Fefu wayawasa, awö wolau faya, da taröj me no fangala.
He Yesu, bè khöma, dödö fa'omasi, soröj ba Geheha.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

"Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya 'e zu-ma-nge fa-sömbata, ma 'o-he sumange Yehowa.
Iramatua
Reff
Ma'andrö khö-U fa-ho-wu'ö zu-mange ni 'o-hema khö-Mö
2. Ya'e zumange fasömbata mabe'e soroi ba dödöma.
Reff: Ma'andrö khö-U
3. Ya'e zumange fasömbata buala si'otarai Nama.
Reff: Ma'andrö khö-U
4. Ya'e zumange fasömbata, boto, noso, ba fa'aurima
Reff: Ma'andrö khö-U
5. Ya'e zumange fasömbata, lö irugi zomasi dödö-U.
Reff: Ma'andrö khö-U
6. Ya'e zumange fasömbata, ma'aohasi gölö Zo'aya.
Reff: Ma'andrö khö-U

FANGANDRÖ : *(Fangandrö nidönia'ö.fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

9. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiata Komisi Bapak (Koor/Vokal Group)
 - c. Kegiata Wilayah 2 (Koor/Vokal Group)
 - d.

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi (Efeso 2:11-22)
- b. Fanuriaigö
- c. Nitano ba dödö. (Efeso 2:19)
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena ' ö ohahau dödöma fefu. Heta ba dödö zi lö sökhi, ma'o ' ö niwa 'ö-U.

12. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.

❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 150**

150. FÖNAU, HE YESU, SOGA

Lala : Dozi Ita No Maoso (No. 341)

do = a 4/4
MM = 88 - 96

6

1. FönaU he Yesu soga, wanema aurifama.
Ba tandrösaigö khöma, li Mö fangorifima.
2. Ha ba li-Mö döhöga, ha ba li-Mö auriga.
Me fangoroma zala, ba wanöndra fangefa.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **265. SÖKHI NA FEFU ITA**

SH : Ya'ahowu

SATO : YA'AHOWU